

第三節 北濱悪水路開削

③ 北濱悪水路開鑿碑（所在地 西尾市桜木町七丁目）



北濱惡水路開鑿碑

我幡豆郡西尾町以南數村之爲地概屬卑濕故每夏澇秋霖輒爲瀦爲澤被其患者無歲不然明治十五年懸吏黒川治愿屢來我郡憇漚溝渠開鑿之舉及毀舊城郭外稱大枘者以爲渠擴大天王門以南之橋梁又施工於鶴城之惠善以疏通惡水然此殊不過小部分而已時之西尾町長鈴木友治郎等因欲起一大工事以期之完成乃屢會關係諸村之里胥謀之皆躊躇不決於是以明治三十九年七月遂決意勦事時適霖雨濁水汎濫不可嚮邇發起者新家寛中村吉藏牧與市本多清藏村井豐松杉浦九衛山内長太郎等不屈没半身於水中督勵役徒者連晝夜功殆將就既而下流諸村不便此舉篋笠爲群洶洶然訴於官衛或把鋤犁噪而會者數十百人欲以沮止之爾後數年間西尾町與下流諸村互相反目訾謗時之郡長榎本秀盛憂之與常設委員高須岩太郎杉浦茂平幹旋甚力於是乎和議漸結局乃以明治四十三年四月更興役至大正四年三月始能竣功矣今合計基本支二流之延袤則實爲三萬九千九百七十七間而其面積三十四町九段步工費金九萬三千三百四十四圓也於是乎昔日之朽壤關而爲沃土昔日之汙田變而爲乾田今也地方之烝庶媿媿而樂欣欣而喜者雖曰由創業者果斷之力與各村協贊之所致抑自非 聖世之恩澤安能得受此洪福哉頃者其關係者等欲勒之貞珉以遣將來來請余文余不敢辭略書其由以與之

大正四年十一月

愛知懸幡豆郡長從六位勲六等

村上金一郎撰文

中川衡憲書

宗秩寮審議官貴族院議員正三位勲二等子爵

松平秉承篆額